

Múlaþing  
Lyngási 12  
700 Egilsstaðir

Reykjavík, 16. ágúst 2023  
UST202307-019/B.S.  
10.04.02

### **Efni: Lýsing – Breyting á aðalskipulagi Fljótsdalshérað 2008-2028 - Efnisnáma á Kiðueyri – Ketilsstaðir.**

Vísað er til erindis Múlaþings dags. 3. júlí sl. þar sem óskað er umsagnar Umhverfisstofnunar um ofangreinda breytingu á aðalskipulagi.

Fyrirhugað er að taka efni úr Kiðueyri í landi Ketilsstaða á Völlum. Ráðgert er að efnistaka fari fram á næstu þremur árum og verða teknir um 8.000 m<sup>3</sup> árlega.

Fyrir liggur álit Hafrannsóknastofnunar vegna mögulegra áhrifa á lífríki árinna og mótvægisáðgerðir.

#### **Efnistaka úr ám**

Þegar um efnistöku úr ám er að ræða hefur Umhverfisstofnun talið að fara eigi eftir tilmælum Hafrannsóknarstofnunar. Umhverfisstofnun hefur margbent á að efnistaka úr virkum farvegi getur haft neikvæð áhrif og getur valdið vatnsformfræðilegu álagi á lífríki straumvatna vegna setflutninga og því ætti að forðast virka farvegi og taka efni helst úr óvirkum áreyrum ef þess er nokkur kostur. Jafnframt vekur Umhverfisstofnun athygli á því að umferð vinnuvéla á svæðinu og í vatnshlotinu eykur hættu á mengunarslysum.

#### **Stjórn vatnamála**

Umhverfisstofnun bendir á að lög nr. 36/2011 um stjórn vatnamála hafi verið innleidd með gerð vatnaáætlunar. Markmið laganna er að vernda vatn og vistkerfi þess, hindra frekari rýrnun vatnsgæða og bæta ástand vatnavistkerfa til þess að vatn njóti heildstæðrar verndar. Jafnframt er lögunum ætlað að stuðla að sjálfbærri nýtingu vatns sem og langtímavernd vatnsauðlindarinnar. Umhverfisstofnun bendir á mikilvægi þess að tekið sé tillit til ákvæða laganna í tillögunni og vill stofnunin benda á vefsíðuna [www.vatn.is](http://www.vatn.is).

Lögin ná yfir grunnvatn og allt yfirborðsvatn (þ.e. straumvötn, stöðuvötn, árósavatn, strandsjó, lón og jökla). Til þess að ná fram markmiðum laganna skal vinna vatnaáætlun, aðgerðaáætlun og vöktunaráætlun en þessar áætlanir voru formlega staðfestar þann 4. apríl 2022 af umhverfis- og orkumálaráðherra. Áætlanirnar gilda sex ár í senn en þær er hægt að finna á vef Umhverfisstofnunar: <http://vatn.is/haf-og-vatn/stjorn-vatnamala/vatnaaaetlun-2022-2027/>. Settar hafa verið tvær reglugerðir, reglugerð nr. 935/2011 um stjórn vatnamála og reglugerð nr. 535/2011 um

flokkun vatnshlota, eiginleika þeirra, álagsgreiningu og vöktun. Hægt er á sjá skilgreind vatnshlot á vefsíðunni <https://vatnshlotagatt.vedur.is/>.

Þungamiðjan í lögum um stjórn vatnamála er sú krafa að öll vatnshlot skulu vera í a.m.k. góðu vistfræðilegu ástandi (yfirborðsvatn), góðu efnafræðilegu ástandi (yfirborðsvatn og grunnvatn) og hafa góða magnstöðu (grunnvatn) ásamt þeirri kröfu um að vatnsgæði rýrni ekki. Manngerð og mikið breytt yfirborðsvatnshlot skulu hafa gott vistmegin og efnafræðilegt ástand þeirra skal vera gott. Þetta eru þau umhverfismarkmið sem öll vatnshlot eiga að uppfylla.

Umhverfisstofnun bendir á að í 28. gr. laga nr. 36/2011 um stjórn vatnamála, þar sem fjallað er um réttaráhrif vatnaáætlunar, segir að opinberar áætlanir á vegum stjórnvalda, svo sem vegna skipulagsmála, náttúruverndar, orkunýtingar og samgangna, skulu vera í samræmi við þá stefnumörkun um vatnsvernd sem fram kemur í vatnaáætlun. Við endurskoðun eða breytingu skipulagsáætlunar sveitarfélags skal, þegar við á, samræma skipulagsáætlunina vatnaáætlun innan sex ára frá staðfestingu vatnaáætlunar.

Að öðru leyti gerir Umhverfisstofnun ekki athugasemdir við umrædda breytingu.

Virðingarfyllt

Björn Stefánsson,  
**sérfræðingur**

Axel Benediktsson,  
**sérfræðingur**